

Vinaya Pitaka Khuddasikkhā

◆ Khuddasikkhā-mūlasikkhā

◆ Khuddasikkhā

◆ Ganthārambhakathā

(Ka)

Ādito upasampanna-sikkhitabbaṃ samātikaṃ;

Khuddasikkhaṃ pavakkhāmi, vanditvā ratanattayaṃ.

Tatrāyaṃ mātikā –

(Kha)

Pārājikā ca cattāro, garukā nava cīvaraṃ;

Rajanāni ca patto ca, thālakā ca pavāraṇā.

(Ga)

Kālikā ca paṭiggāho, maṃsesu ca akappiyaṃ;

Nissaggiyāni pācitti, samaṇakappa bhūmiyo.

(Gha)

Upajjhācariyavattāni, vaccappassāvathānikaṃ;

Āpucchakaraṇaṃ naggo, nhānakappo avandiyo.

(Ña)

Cammaṃ upāhanā ceva, anolokiyamañjanī;

Akappiyasayanāni, samānāsanikopi ca.

(Ca)

Asaṃvāsiko ca kammaṃ, micchājīvavivajjanā;

Vattaṃ vikappanā ceva, nissayo kāyabandhanaṃ.

(Cha)

Pathavī ca parikkhāro, bhesajjuggahadūsaṃ;

Vassūpanāyikā cevāvebhaṅgiyaṃ pakiṅṅakaṃ.

(Ja)

Desanā chandadānādi, uposathappavāraṇā;

Samvāro suddhi santoso, caturakkhā vipassanāti.

1. Pārājikaniddeso

♦ Pārājikā ca cattāroti –

1.

Maggattaye anikkhittasikkho santhatasanthate;

Allokāse nimittaṃ saṃ, tilamattampi santhatamaṃ.

2.

Asanthatamupādiṇṇaṃ, pavesanto cutotha vā;
Pavesanaṭṭhituddhārapaviṭṭhakkhaṇasādako.

3.

Ādiyeyya hareyyāvahareyya iriyāpathaṃ;
Kopeyya ṭhānā cāveyya, saṅketam vītināmāye.

4.

Adinnaṃ theyyacittena, bhava pārājikoṭha vā;
Theyyābalakusacchannaparikappāvahārako;
Bhaṇḍakālagghadesehi, paribhogettha nicchayo.